



事物紀原

事物紀原

事物紀原

事物紀原

事物紀原

事物紀原

事物紀原

事物紀原

事物紀原

田峻

余忝

舍中

所刪

所刪

所刪

所刪

其物

事物紀原

事物紀原

心

明先生之所傳南平

所刪訂者也余低而易之

雪懷以握瑜檢閱殆徧三

地之四廣輪之內亘古及

何者非事何者

事物紀原

事物紀原

事物紀原

一 金海集 何休

一 金海集 何休

一 金海集 何休

一 金海集 何休

一 金海集 何休

一 金海集 何休

一 金海集 何休

一 金海集 何休

一 金海集 何休

一 金海集 何休

一 金海集 何休

一 金海集 何休

一 金海集 何休



非物事事物物皆有本原不求其原譬
猶觀黃河而不知其出於崑崙也觀天
地而不明其由於澤池也欲知其原或
一事載於數書或一物見於羣議雖談
更不能徧觀而盡識總龜不能一覽而
無餘果智不如蛛以為一事一物既皆
散見於傳記自非衣集成書雖皓首有
不能涯埃者矣紀原之作端在於斯余

於世故未究源委何所憊疑輒以質之
寔多裨益尚慮天下古今事變不一鄉
言俚語亦皆有由且入書囊括殆有未盡
景泰改元叨與鄉中亦於書坊得此全
集乃願庵所傳之茲曰本南昌貢士闔敬
之所校正者也觀廿六所載自天地生植
以至蟲魚禽獸幾二千事蒐獵經史考
古驗今分門析類按之刪本事倍而詳

然趙則固多刪正其間或舉其中而不
求其本或原其始云云不要其終雖虛幻
難信者可刪然皆古所考據既不繫乎
彛典又非排抵之甚其於陰陽造化禮
樂名物亦多有助也易紀龍戰于野詩
紀玄鳥生商春秋加變故事之出於古
而流于今者皆所出紀也予以參禪得
失予以廣其聰明徒無益於事而已

矣若紫姑之驗來事麻胡之恐小兒見
於他書今俗猶行而趙則削之天書降
於宋之眞宗乃詭誕之事遂有天慶天
祺之節趙則存之宮室之下本四合維
紀始教人穴居舊本以為合維紀四姑
今則正之進賢冠鍾鼎華表之類彼此
俱有關文今則足之余非辯捷敢以滑
稽亂文第以所載之事猶有遺珠之嘆

特識見跡淺瑣事竭紛未能復多益寡
其於金根金銀之謬考究未詳惟公是
公非而疑似者不敢不辨也且又率意
批點以便初學遂覺諸實長太守長垣
胡公二守扶風李公通府開州程公泉
以為可受梓於余刻木以廣其傳俾余
敘其始終予惟醉經飲史士子恒業多
聞多見儒家所尚然非格物致知以窮

其理廣求博採以究其學將見聞見孰
未遇事執迷接談有及未免左右言他
束手怩怩不能為世之有無也是書誠
多聞多見之捷徑格致窮理之著龜也
者苟能熟讀潛玩泮泮尋源則身行而
對泛應曲當無所不可矣此願庵所以
珍重而後學所當為也余嘗博雅君子每
加增益而是正之固所望也

咸化八年歲次壬辰秋七月望日平陽府通判成安李果書



事物紀原^集卷目錄上

第一卷凡七部共一百七十事

一 天地生植部第一凡二十四事

元氣

天地

四方

日月

星辰

星官

星次

霜露

風雨

雷電

陰陽

晝夜

五行

十二辰

人

君臣

夫婦

山嶽

山谷

江海

淮瀆

草木

鳥獸

龜魚

二 正朔曆數部第二凡二十八事

甲子 歲 正

閏 月朔 八節

氣候 賀正 人日

天慶 中和 先天

天既 伏日 先天

降聖 冬至 賀冬

臘日 曆 曆名

曆日 筭 數

九章 渾儀 刻漏

更點 渾儀

三帝王后妃部第三凡二十六事 皇帝 皇帝

皇 帝

王 天子 官家

五運 所尚 國號

太子 后 妃

皇后 太后 太皇

太妃 四妃 貴妃

淑妃 德妃 賢妃

公主 長主 太主

孫主 主國

四 嬪御命婦部第四凡二十八事

淑儀 淑容 順儀

順容 婉儀 婉容

昭儀 昭容 昭媛 修儀

三卷 凡四百九十二事

修容

充容

貴人

婦人封

國夫人

郡君

五 朝廷注措部第五凡二十七事

尊號

御袍

聖節

萬歲

起居

修媛

充媛

美人

封夫人

郡夫人

孫君

稱朕

服御

改元

山呼

記述

充儀

婕妤

才人

太夫人

封君

太君

呼上

陛下

年號

上壽

時政記

索扇

廊食

損膳

衙門

六 治理政體部第六凡一十八事

進貢

吏祿

執笏

告身印

戶帳

春宴

八閤

內道場

輟朝

匭函

賞賜

借緋

版簿

放房錢

戶等

秋宴

延英

避殿

殿門

登聞鼓

賜服

借紫

鬻官

休沐

次宴

射宴

七 利源調度部第七凡一十九事

井田

水利

常平

義倉

倉名

兩稅

商稅

雜稅

稅草

稅錢

權酷

權茶

雜益

蓋鈔

漕運

屯田

職田

官米

官炭

第三卷凡五十一事

八公式姓諱部第八凡三十六事

勅

黃勅

制

詔

鳳詔

詔

冊命

宣麻

宣顯

教

表

上書

轉對

移

檄

關

露布

檄文

誅

殿下

閣下

足下

下官

啓

簡

書

題緘

門狀

名紙

姓

氏

族望

名

字

諱

花押

九 禮祭郊祀部第九凡三十八事

禮

祭祀

齋戒

壇墀

郊立

禘郊

三歲郊

合祀

明堂

封禪

神州

社

稷

蜡

山川

籍田

先農

先蚕

五祀

高禘

靈星

壽星

周伯

九宮

大火

后土

宗廟

廟號

朝獻

配天

配饗

木主

版位

牙盤

獻菜

飲福

青城

內寺

十 崇奉復用部第十凡二十六事

玉皇號

聖祖號

聖母號

林訪號

黑煞號

真武號

孔子封

孔子父

孔子妻

十哲封

七卜子

周公封

太公封

老子號

李母號

列子號

莊子號

文子號

五嶽號

五鎮號

嶽府號

四海號

四瀆號

水府號

追贈

追封

十一 樂舞聲歌部第十一凡五十一事

樂

樂府

胡部

教坊

鈞容

雲韶

十二輿駕羽衛部第十二凡三十一事

律法

律呂

二变

諸調

三臺

小詞

鼓吹

凱歌

女樂

准

歌

舞

鍾

鑄鍾

鼓

鼓足

建鼓

懸鼓

磬

篋簾

方響

琴

一絃琴

擊琴

瑟

阮

笙篥

箏

琵琶

絃琴

簫

篪

膚篥

笛

簫

笳

笙

箏

塤

擊阮

鼗

羯鼓

祝敵

拍板

鈸

鹵簿

象

駕頭

虞候

伏飛

指南

記里

白鷺

寫旗

崇德

皮軒

相風

鍾鼓輿

行漏

十二神

儀馬

香鑿

腰輿

五輅

大輦

芳亭

鳳輦

小輿

五牛輅

副輅

金根

耕根

進賢車

明遠

羊車

黃鉞車

豹尾

屬車

建旂

駕

乘

駕六

大安輦

輦

第三卷凡四部共一百六十七事

十三旗旒采章類第十三凡四十事

幟弩

車輻

勘箭

警蹕

皂纛

搦稍

及

牙門

王免旗

攝提旗

龍旗

鈕

罕罽

黃麾

髦

儀鎧

白幹槍

班劍

儀刀

御刀

引駕旗

龍墀旗

合璧旗

五嶽旗

方纛

堆扇

毳杖

鳴鞭

旗常

朱團扇

金節

節

華蓋

燈

旂

俾倪

圓團旗

曲蓋

鷄竿

金節

十四 冠冕首飾類第十四凡三十九事

冠

冕

弁

簪

纓

幘

十五	衣	裳	帶	服	部	第十五	凡	四	十	四	事
通天	貂蟬	長冠	進賢	蕭帽	頭巾	曲領	特髻	玉釵	粧	粧	靨
高山	法冠										
樓頭	帽										
大帽	帷帽										
幅巾	頭巾										
蓋頭	冠子										
髮髻	釵										
梳	篦										
青飾	畫眉										
花鈿	鈿粉										
脂	面脂										

衣裳	袴褶	襪衫	半臂	大衣	背子	偏衫	環	詞子	印	靴	魚袋
袞衣	朝服	衫	換子	長	腰帶	指環	佩	條印	笏	笏	笏袋
長	涼衫	汗衫	涼衫	衫子	金帶	釧	綬	綬	綬	綬	綬袋

十六學校典部第十六凡四十四事

芴帛

鞞

履烏

履

履

鞋

學

孔子廟

配坐

先賢配

武學

太公廟

武成廟

賢良

秀才

進士

明經

學究

三楷

三傳

明法

處士

武舉

舉貢

貢士

詳見

詞賦

三場

雜文

印卷

混榜

印題

封彌

巡鋪

監門

知舉

對拜

別試

放榜

殿試

唱名

五甲

及第

釋褐

賜宴

題名

賜儒行

謁先師

登科記

曳白

第四卷 凡五部共一百六十七事

十七經籍藝文部第十七凡四十四事

文字

圖書

書契

五經

四部

巾箱

石經

印板

八卦

六十四

繇文

十翼

二禮

春秋

論語

孝經

爾雅

御製

子

史

實錄

著書

類事

山海經

音韻

切字

切韻

押韻

玉篇

詩

五言

七言

律格

聯句

唱和

次韻

賦

論

策

議

讚

頌

箴

連珠

十八官爵封建部第十八凡二十八事

爵

封建

廣封

戶封

諸侯

諸王

郡王

國

郡公

開國

官

守官

試官

檢校

知判

流內

流外

功臣

勳臣

品秩

世廕

章服

服色

堂除

考績

循資

致仕

折俸

十九勳階寄祿部第十九凡二十事

開府

特進

金紫

銀青

光祿

正議

通議

太中

中大

中散

朝議

朝請

朝散

朝奉

朝請郎

朝散郎

朝奉郎

承議

奉議

通直

宣德

宣義

承事

承奉

承務

二柱國

二護軍

二輕車

二騎

四尉

二十師保輔相部第二十九二十九事

三師

大師

太傅

太保

二公

太尉

司徒

司空

三台

將相

重事

平章

參政

左右相

宰相

丞相

相國

使相

相銜

當筆

中堂

監國史

樞密

樞相

知樞

樞副

同知樞

簽樞

宣徽

二十二法從清望部第二十一凡三十六事

太學士

學士

直學士

觀文

資政

翰林

〇九卷凡兩共四事

承旨

內翰

勅設

端明

二倚

龍圖

小龍

待制

龍制

直龍

天制

天章侍講

寶文

樞直

制誥

直學士院

直舍人院

集賢學士

修國史

修撰

侍講

侍讀

直史館

直昭文

直集賢

直秘閣

校理

說書

稱謂

駙馬

第五卷 凡六部共一百九十六事

二十三省綱轄第... 二凡四十八事

侍中

門下

散騎

給事

夕拜

諫議

二起居

諫正

中書令

中書侍郎

中書舍人

尚書令

僕射

左右丞

六尚書

分行

子司

二十四司

子司印

八座

六侍郎

即中

負外

左右司

吏部

司封

司勳

考功

戶部

度支

金部

倉部

禮部

詞部

主客

膳部

兵部

職方

駕部

庫部

刑部

都管

比部

司門

工部

屯田

虞部

水部

二十三 持憲儲闈部第二十三凡三十事

御史大夫

中丞

獨坐

侍御

端公

南床

殿中

監察

裏行

三院

六察

知雜

左右巡

臺簿

檢法

六傳

賓客

詹事

庶子

少詹

諭德

太子侍讀

太子侍講

中舍人

舍人

翊善

王侍讀

王侍講

記室

宮教

二十四 九寺卿少部第二十四凡三十九事

九卿

少卿

太常

太常丞

太常簿

太常博士

協律郎

奉禮郎

太祝

齋郎

郊社令

藉田令

太醫令

宗正

宗正寺丞

宗正簿

宗正司

光祿

光祿丞簿

太官令

衛尉

衛尉丞簿

太僕

太僕寺丞

太僕簿

大理

大理寺丞

大理簿

大理正

司直

評事

鵬臚

鴻臚簿

鴻臚寺丞

司農

司農寺丞

司農簿

太府

太府丞簿

二十五 秘殿掌貳部第二十五凡二十六事

秘書監

秘書少監

秘書丞

秘書郎

校書郎

正字

著作郎

著作佐郎

太史令

太史正

太史丞

直長

五官正

靈臺郎

保章正

挈壺正

殿中監

殿中少監

殿中丞

尚食

尚藥

尚書

尚舍

二十六 五監總率部第二十六凡二十二事

國子祭酒

國子司業

國子監丞

國子主簿

國子博士

太學博士

武學博士

律學博士

太學正錄

少府監

少府少監

少府監丞

少府主簿

將作監

將作少監

將作監丞

將作主簿

軍器監

軍器少監

都水使者

都水監丞

都水主簿

二十七 環衛中貴部第一十七凡三十一事

上將軍

大將軍

將軍

諸衛

金吾衛

左右衛

驍衛

武衛

屯衛

領軍衛

監門衛

千牛衛

諸率

府率

副率

衛率

司禦率

清道率

監門率

內率

南班

內常侍

內給事

北班

押班

內供奉

殿頭

高品

尚班

黃門

內品

上卷目錄終

事物紀原集類卷第一

凡七部共一百七十事

○凡三門共七十八事

鄉貢進士南昌閣敬校正

李果批點

元氣

元氣

列子曰太易未見氣也太初者氣之本始也太始者形之始

也太素者質之始也形氣質具而未離故曰混元高氏小史

曰太易氣象未分太初氣象始萌太始氣聚初變質太極形質已具然則元氣之始自太初也徐整三五曆

紀曰歲起攝提元氣肇始有神太易天章道甲開山記曰厲

山氏分布元氣也

天地

天地

清輕者上爲天濁重者下爲地冲和氣者爲人循之不得名曰易一變而爲七七變而爲九九復爲一一者形變之始也輕清重濁清以陽發故氣冲爲天濁以陰凝故氣沉爲地天地形別謂之兩儀列子曰視之不見聽之不聞周易繫辭曰易有太極是生兩儀高氏小史曰兩儀分五運通二體分形離爲清濁三五曆紀曰天地渾混如雞子盤古生其中萬八千歲天地開闢陽清爲天陰濁爲地盤古在其中一日九變神于天聖于地天日高一丈地日深一丈盤古日長一丈如此萬八千歲天極高地極深盤古極長後乃有三皇此天地人之始也

四方

伍希明太一金鏡經曰昔燧人氏仰觀斗極而定方名東西

南北是也則四方之名蓋始自燧皇定之

日月

天地開闢萬八千歲而盤古死帝王五運歷年紀曰盤古死後左目爲日右目爲月山海經曰東南海之外甘水之間有羲和之國有女子曰羲和羲和者帝俊之妻是生十日郭璞注曰羲和蓋天地始生日月者也

星辰

馬揔通曆曰地皇氏定星辰後漢天文志注曰黃帝分星次凡中外官常明者百二十四可名者三百二十微星萬一千五百二十黃帝創制之大略也禮記乃云帝嚳能序星辰蓋地皇氏始定爲星辰黃帝又名之至帝嚳而序也

星官

後漢天文志曰軒轅始受河圖闢苞授規日月星辰之象故
星官之書自黃帝始至高陽氏乃使南正重司天

星次

帝王世紀曰黃帝受命乃推分星次以定律度劉昭補漢志
亦曰黃帝定星次即今爾雅所記十二次與二十八舍之度
皆自黃帝初之也

宿度

王子年拾遺記曰庖犧視五星之文分野之度史記曆書曰
黃帝名察度驗臣瓚謂題名宿度候察進退三辰之度吉凶
之驗也又曰漢武招致方術士唐都分天部漢書音義云謂
分都二十八宿為距度而晉書天文志亦曰庖犧氏立周天
曆度也

風雨

帝王五運歷年記曰盤古之君龍首蛇身噓為風雨

雷電

又曰盤古吹為雷電

陰陽

春秋內事曰伏犧氏定天地分陰陽

晝夜

又歷年記曰盤古開目為晝閉目為夜通歷曰地皇氏分晝夜
五行

史記曆書曰黃帝建立五行起五部應劭曰金木水火土也
孟康謂天有四時分為五行

十二辰

事始曰黃帝立子丑十二辰以名月又以十二名獸屬之
人

風俗通曰俗說天地開闢未有人民女媧搏黃土爲人劇務
力不暇供乃引繩絙泥中舉以爲人故富貴者黃土人也貧
賤凡庸者絙人也淮南子曰黃帝生陰陽上駢生耳目桑林
生臂手此女媧所以七十化也許慎注云黃帝古天神所造
人時化生陰陽上駢桑林皆神名又曰宓生海人海人生若
菌音若若菌生聖人聖人生庶人凡庸者生于庶人突人之先
此人之始也

君臣

典略載云孫瓚表曰皇羲已來始有君臣上下之事由是推
之天皇以降雖有其分固亦略矣至太昊始正之也

夫婦

杜佑通典曰遂皇氏始有夫婦之道注云人皇是也

山嶽

歷年記曰盤古死後骨節爲山林又古昔傳盤古左手爲東
嶽右手爲西嶽腹爲中嶽首爲南嶽足爲北嶽與此爲小異
王子年拾遺記曰庖犧審地勢以定川嶽

山谷

遁甲開山記曰鹿山氏產生山谷肇分自此其始也

江海

歷年記曰盤古死後腸爲江海孟詵錦帶前書早紀括提紀
云有神農氏立蛇形甄四海此前神農也論語摘輔象伏羲
六佐仲起爲海陸注云主平地兼統海陽爲江注云主江湖

淮瀆

又曰盤古血為淮瀆

草木

又曰盤古之君身死後毛髮為草木淮南子曰日馮生陽閉
陽閉生喬如喬如生幹木幹木生庶木凡根拔木者生于庶
木根拔生若程若程生玄玉玄玉生醴泉醴泉生皇辜皇辜
生庶草凡根拔草者生于庶草許慎注云日馮木之先根拔
生草之先也段成式酉陽雜俎曰日馮生玄陽閉玄陽閉生
麟胎麟胎生幹木幹木生庶木招搖生程君程君生玄玉玄
玉生醴泉醴泉生應黃應黃生黃華黃華生庶草與淮南子
小異此蓋草木之始也

鳥獸

淮南子曰羽嘉生飛龍飛龍生鳳凰鳳凰生鸞鳥鸞鳥生庶
鳥凡羽者生于庶鳥毛犢生應龍應龍生建馬建馬生麒麟
麒麟生庶獸凡毛者生于庶獸注云羽嘉飛蟲之先酉陽雜
俎則曰羽嘉生飛龍飛龍生鳳凰鳳凰生鸞鳥鸞鳥生庶鳥應龍
生建馬建馬生麒麟麒麟生庶獸此蓋鳥獸之始也徐整三
五曆曰天地之初有三白鳥故生眾鳥

龜魚

同前又曰介鱗生蛟龍蛟龍生鯤鯨生鯁鯁生建邪建邪生
庶魚凡鱗者生于庶魚介禰生先龍先龍生玄龜玄龜生靈
龜靈龜生庶龜凡介者生于庶龜注介鱗鱗之先介禰龜之
先也段成式以龜為鯢此蓋龜魚之始也

正朔曆數部第二凡二十八事

甲子

世本曰大撓造甲子呂氏春秋曰黃帝師大撓黃帝內傳曰帝既斬蚩尤命大撓造甲子正時月令章句曰大撓探五行之情占斗剛所建于是始作甲乙以名日謂之幹作子丑以名月謂之支支幹相配以成六旬

歲

黃帝定星曆正閏餘以肇歲事至堯定四時成歲書曰春三百六旬有六日以閏月定四時成歲則名歲之義自陶唐始也

正

歷代所尚不同故所為之正各異邢昺論語疏有推鄭康成尚書三帛注意謂舜以十一月堯十二月高辛十二月高陽

十一月少昊十二月黃帝十三月炎帝十一月女媧十二月又推易說卦云帝出乎震謂伏羲也建寅之月又木之始則正當從太昊始也由秦諱政故音從征今尚云然也

閏

史記曰黃帝起消息正閏餘則閏蓋餘分之月也黃帝造曆始正之

月朔

通曆曰地皇氏分晝夜以三十日為月朔高氏小史亦云尔八節

春秋內事曰伏羲氏建分八節以應天氣晉志曰炎帝分八節以始農功

氣候

董巴議曰昔伏羲始造八卦作三畫以象二十四氣消息禍福以制吉凶禮記月令注曰昔周公作時訓定二十四氣分七十二候則氣候之起始于太昊而定于周公也

賀正

通典曰漢高帝十月定秦遂為歲首七年長樂宮成制群臣朝賀儀武帝改用夏正亦在建寅之朔則元日慶賀始于漢高祖也

人日

東方朔占書曰歲正月一日占雞二日占狗三日占羊四日占猪五日占牛六日占馬七日占人八日占穀皆晴明溫和為蕃息安泰之候陰寒慘烈為疾病衰耗故杜子美詩曰元日至人日未有不陰時蓋傷時之言也推此當由漢世始有

其義

天慶

輿朝會要曰大中祥符元年十一月詔以正月三日天書降日為天慶節休假五日

中和

李肇國史補曰唐正元五年初置中和節新唐書李泌傳曰德宗以前世上巳九日皆大宴集而寒食多與上巳同時欲以二月名節自我為古李泌請以二月朔為中和節王溥唐會要曰正元五年正月十一日勅四序嘉辰歷代增置漢宗上巳晉紀重陽朕以春方發生候維仲月勾萌悉達自今以二月一日為中和節二十八日李泌請令文武百寮進農獻種桂王公戚里上春服士庶以刀尺相遺村社作中和酒祭

勾芒祈年穀聚會宴樂名為饗勾芒

天祺

輿朝會要曰天禧元年正月詔大中祥符元年四月一日天書再降內廷功德閣其建為天祺節一如天貺節例乾興元年二月禮儀院上言四月一日天書降日節名下一字與御名同合行回避詔以天祺節為名

天貺

又曰祥符元年六月六日天書降兗州二年五月八日詔曰其六月六日天書降泰山日宜令設醮六月又詔在京及諸州並賜休假一日前此遣中使詣宰臣王旦第特令中外賜假四年正月以六月六日為天貺節在京禁屠宰九日詔諸路並禁從歐陽彪之請也

伏日

曆忌釋曰四時代謝皆以相生立秋以金代火而畏火故至庚日必伏故謂之伏日顏師古曰陰氣將起迫于殘陽而未得升故為藏伏因名曰伏史記秦德公二年初伏以禦蠱孟康云六月伏日也周無至此乃有之年表云初作伏也

先天

輿朝會要曰大中祥符五年閏十月一日詔以七月一日聖祖下降日為先天節

降聖

唐會要曰會昌元年二月十五日詔我聖祖降誕昌辰宜改為降聖節則降聖之号唐武宗先以名節也輿朝會要曰大中祥符五年閏十月詔以十月二十四日聖祖降誕恩殿

日為降 聖節蓋用唐事者也

冬至

通曆曰地皇氏以十一月為冬至高氏小史亦云

賀冬

玉燭寶典曰冬至陰陽百品之始日極南影長有履長之慶
漢雜事曰冬至陽生君子道長故賀然則當是漢制也

臘日

禮月令孟冬十月臘先祖魏臺訪議云薦田獵先所得禽獸
謂之臘疑特時祭之名云尔然亦伊耆氏之蜡也始臘蜡本
一夏后曰嘉平商曰清祀周曰大蜡秦初曰臘已而為嘉平
漢復曰臘也周以來用孟冬至唐正觀十年始以季冬之寅
蜡祭百神開元禮又用臘日蓋季冬之月星回歲終陰已交

勞農大享五德之君各以其終而臘如水土終于辰火終于
戌金終于丑木終于未是矣宋朝王于火戌故以戌臘而
蜡復別為一祭臘獨以為時序之令又說文云冬至後三戌
為臘也

曆

通曆曰太昊始有甲曆楊泉物理論曰神農立曆曰漢律歷
志曰黃帝造曆董巴曰伏羲始作八卦三畫以象二十四氣
黃帝因之初作調曆尸子曰羲和造曆呂氏春秋曰容成作
曆世本亦云黃帝內傳曰既斬蚩尤乃命容成造歷以司天也

曆名

易乾鑿度曰曆原名握先紀曰甲子七十六歲為一紀二十
紀為一部首注云握先為曆始之名猶言無前也沿革曰黃

帝考定星曆建五行起消息正閏餘謂之調曆後代因之漢有太初唐有麟德等名也

曆日

物理論曰疇昔神農正節氣審寒溫以為早晚之期故立曆日

後漢律曆志曰隸首作數晉律曆志曰黃帝使隸首作算數博物記曰隸首黃帝臣一說隸首善算者也

數

謝察微算經曰易稱太極是生兩儀蓋數之先也史記曰黃帝建氣物分數孟康謂曆數之分世本曰隸首作數

九章

漢鄭康成傳注曰九章算術周公作也一方田二粟米三差分四少廣五均輸六方程七旁要八盈不足九鈞股即周禮九數是也

魏劉氏曰庖犧氏始畫八卦作九九之術以合六爻之變周公

制禮而有九數九數之流則九章是矣一曰方田即今方量田地畝角之法二粟

布

粟是谷布是米謂以多少入米多少谷三衰分此是理會官員俸祿多少之法四少廣如今倉積米其中以

五商功

商具工程如打土論方子打算一方上便會計得合用幾多人工六均輸均具道里遠近之勞七盈朒盈是多朒是

八方程

可見隱者不程如算不逐許除下零細的絕九鈞股此是量山量水之法今軍中立寨有曉此法者

渾儀

春秋文耀鉤曰唐堯即位羲和立渾儀劉氏曆曰高陽造渾儀黃帝為蓋天則渾儀始于高陽氏也至舜則璇璣玉衡以

齊七政

刻漏

梁刻漏經曰肇于軒轅之日宣乎夏商之代又黃帝刻漏水制器以分晝夜周禮有挈壺氏掌之以百刻分晝夜

更點

起于易繫九事墮門繫柝之說自黃帝時也

帝王后妃部第三凡二十六事

皇

項峻始學篇曰天地立有天皇張惜帝系譜曰天地初定溟
津鴻濛即生天皇治世一萬八千歲此稱皇之始也

帝

由天皇至燧人皆稱皇故有天皇地皇人皇而燧人亦號燧
皇及太昊帝王世紀稱曰帝庖犧氏繼天而王爲百王先帝
出于震未有所因此稱帝之始也

皇帝

世皇帝記曰五帝之初有天黃皇帝尚書呂刑曰皇帝清問
下民蓋周穆王始以言唐堯也史記始皇本紀二十六年秦

初并天下令曰六王咸伏天下大定名號不更無以稱成功
其議帝號王綰李斯等議帝號曰古有天皇有地皇有泰皇
泰皇最貴上尊號王爲泰皇王曰去泰著皇采上古位號號
曰皇帝曰秦兼天下建皇帝之號注云五帝自以德不及三
皇故去皇號三王又以德不及五帝故損稱王秦自以德兼
二代故兼稱之

王

夏商之前皆稱帝自周始降帝爲王然夏啓之甘誓稱王曰
嗟仲虺之誥湯曰惟王不迓聲色則二代雖號帝亦稱王也

天子

說文曰古之神聖人母感天而生子故曰天子春秋元命包
曰安登生子人面龍顏始爲天子帝王世紀曰神農氏之母

有矯氏名安登則帝王之稱天子自炎帝始也

官家

劉向說苑鮑白令之對秦始皇曰天下官則讓賢天下家則世繼故曰五帝以天下爲官三王以天下爲家蔣濟萬機論曰五帝官天下故傳之賢三王家天下故傳之子今指天子爲官家則猶言帝王也其義始諸此僧文瑩湘山野錄曰真宗問李仲容何故謂天子曰官家遽對云蔣濟言三皇官天下五帝家天下兼三五之德故曰官家爲小異尔按晉書五行志安帝義熙初童謠曰官家養蘆化作荻則晉末之語已云然矣隋唐之前稍云大家自茲世以稱至尊也

五運

通曆曰太昊木德王始有甲曆五運項峻始學篇曰天地立

有天皇以木德王則五運之起自天皇氏始也然天地開闢之初溟滓鴻濛万物未立五運相乘宜未詳也當是太昊爲是王子年拾遺記曰伏羲以木德稱王位居東方以舍養蠱化叶于木德其音附甲號曰木皇此宜木德相乘之始也後漢班固典引曰肇命人主五德初始莫不開元于太昊注云謂庖犧始以木德王也前漢郊祀志贊曰劉向父子以爲帝出乎震故庖犧氏始受木德馮鑑續事始引徐秀帝王年代圖云伏羲爲百王首故易曰帝出乎震即帝王五運震爲木起自太昊也矣穀子曰五運有二說鄒衍以相勝劉向以相生自伏羲至顓頊以木火土金水相承漢魏以還共遵劉說孟詵錦帶前書亦曰伏羲始以木德出乎震故曰太皞

所尚

歷代帝王為正各異故所尚不同邢昺論語疏自夏正尚黑推而上之謂伏羲以上未聞謂女媧尚白神農赤黃帝黑少昊白高陽赤高辛黑陶唐白有虞赤宜自太昊始也

國號

後漢書班固典引曰肇命人主五德初始厥有氏號莫不開元于太昊注謂太昊號庖犧炎帝號神農黃帝號軒轅蓋自燧皇而上止以自名未為天下之號也至太昊始以庖犧為代號云

太子

唐虞而上皆傳之賢故無太子之文夏商之王雖傳之子其文略矣至周始見文王世子之目武王繼之稱太子發此其始也漢天子號皇帝故其嫡稱皇太子漢書高祖紀五年二

惟
武王
名發

后

月甲午漢王即皇帝位尊太子曰皇太子此其始也

春秋命曆序洛書摘三辟曰人皇九人別長九州禹良地精女出為之后注云禹良卦所推也此稱后之初云三代以上亦無其稱但曰正妃周人始曰王后

妃

配也自太昊制嫁娶之禮以相配偶然無以妃名其耦者帝王世紀至黃帝乃始有元妃次妃之列此疑妃之初尔韓子曰衛子嗣公愛泄姬恐其因愛以雍已乃尊魏妃以偶泄姬疑魏明帝以三夫人名妃用此兩制

皇后

周禮天子之妃曰后周人稱王妃曰后秦号皇帝亦稱皇后

后繼體之君也。周人之稱王妃，亦以繼天子之後，故也。尚書
顧命曰：「皇后憑玉几。」蓋史始以言成王之以道繼人之後也。
而秦漢以稱天子之妃。漢高紀七年，漢王即皇帝位，尊王后
曰皇后。

太后

史記秦本紀曰：昭王母芊氏號宣太后，王母于是始以爲稱。
故范曄說：秦王有獨聞太后之語，其後趙孝成王新立，亦有
太后用事之說，是太后之號自秦昭王始也。漢襲秦故，號皇
帝，故亦尊母曰皇太后也。

太皇

漢因秦事，母號皇太后，故尊祖母曰太皇太后。其禮雖始于
漢，要之自孝武始也。按史記景帝二年四月壬午，孝文太后

崩，高祖薄后也。景帝之祖母，時未號太皇。武帝即位，迎魯
申公議明堂事，司馬遷於儒林傳，乃始稱太皇。竇太后好老
子言，是太皇之號自漢武始明矣。竇氏文帝后，於武帝爲祖
母，班固於景帝既立，則以稱薄后。然遷自武帝時，人不應誤
書也。

太妃

魏以來，諸王之母爲太妃。此蓋其始稱也。司馬氏之晉帝，母
其嫡爲皇太后，所生爲皇太妃。晉書后妃傳：章太妃周氏生
哀帝，拜貴人。帝即位，有司議位號，詔崇爲皇太妃。其禮自晉
哀帝始也。爾朝真宗皇帝，亦冊楊貴妃爲皇太妃。晉元帝所
生母稱夏侯太妃。

四妃

天官后妃四星其一為正嫡三為後宮故帝嘗取象于此立四妃而正嫡在其中然黃帝初有元妃嫫祖次妃嫫姆洎形魚氏方雷氏則是四妃之制自黃帝始矣三代有三夫人而無妃號漢有貴人魏始制妃此夫人號妃之始也唐初皇后而降有貴淑德賢是為四妃也

貴妃

宋孝武孝建三年初置貴妃位比相國又齊永明元年有司奏貴妃淑妃並加紫綬金章珮于寘玉

淑妃

魏明帝置淑妃齊永明中有司奏淑妃舊擬九棘以淑為溫恭之稱妃為亞后之名進同貴妃加比三司

德妃

隋煬帝置德妃北史后妃傳曰煬帝參詳典故自置美名有德妃為三夫人

賢妃

唐百官志內官有賢妃正一品注云因隋制有也而隋志及北史亦無其名當疑唐有國初置也續事始曰隋煬帝置德妃賢妃

公主

春秋公羊傳曰天子嫁女子諸侯至尊不自主婚必使同姓者主之謂之公主蓋周事也史記曰公叔相魏尚魏公主文侯時也蓋借天子之女也春秋指掌碎玉曰天子嫁女秦漢以來使三公主之故呼公主也續事始曰自古至周天子之女未有封邑至周中葉使同姓諸侯主之始謂之公主也

長主

蔡邕曰漢帝女為公主姊妹為長公主職林曰漢制皇女皆封縣公主儀服同列侯其尊崇者加號長公主儀服同藩王前漢妻敬說高祖以長公主妻單于武帝女亦稱衛長公主此為長公主之始矣漢書昭帝紀後元二年二月戊辰帝即位鄂邑公主益邑為長公主即帝姊妹為長公主也建武十五年光武封武陽公主為長公主即尊崇之制云嗣朝但帝姊妹乃封長公主

太主

漢武帝之始封太長公主號太主史記武帝本紀曰帝以衛長公主妻欒大自王侯將相以下皆遺獻之徐廣曰武帝姑竇太后女也則太主之號亦自漢始明矣東方朔傳武帝姑館陶公主號竇太主

縣主

後漢帝女皆封縣公主或別為美名此疑縣主之始也其諸王女自為公主其父得自主婚故也隋唐以來雖諸王之女亦封郡縣但曰某郡縣主也

主國

漢以來公主所封皆為邑無封國者唐書公主傳亦自高祖謂同安公主而下亦無其事雖平陽昭公主有起兵參佐命之功不過死加鼓吹而已至睿宗女華婉以劉后所生始封代國尔後遂為常制云

嬪御命婦部第四凡二十八事

淑儀

南史后妃傳叙曰晉武帝初置淑儀為九嬪視九卿唐百官

按某郡縣主今諸王曰郡主從郡縣主省文尔

事物紀原集卷第... 晉共九十一事

志注云明皇開元中置六儀其一曰淑儀用晉事也國初亦省國朝會要云真宗大中祥符六年正月二十一日又增置淑儀官也

淑容

南史又曰魏明帝泰始二年置淑容自後或置或否逮于國初亦省不置大中祥符中與淑儀同真宗增置也

順儀

隋內官有順儀北史后妃傳曰隋煬帝參詳典故置順儀爲九嬪唐除之按唐百官志注曰明皇開元中置六儀四曰順儀國初亦不設真宗復置之與淑儀同時也

順容

隋九嬪有順容北史曰煬帝置國朝會要真宗祥符中又增

置順容之官

婉儀

北史后妃傳叙曰北齊文宣河清中置婉儀爲八十一御女唐初亦無唐志注云明皇制六儀婉儀其四也至宋朝真宗復增置餘見婉容

婉容

宋朝會要曰大中祥符六年正月二十一日真宗增淑儀以下至婉容凡六官並從一品在昭儀之上

昭儀

漢元帝置昭儀封後代或省元魏置左右昭儀視大司馬北齊文宣時比丞相唐爲九嬪也

昭容

漢孝武所置南朝亦或置之唐以為九嬪

昭媛

唐百官志注曰唐因隋制有之而隋志北史俱不載疑唐制也

修儀

魏明帝所置修儀隋煬帝以為九嬪

修容

魏文帝始置修容隋煬帝參詳典故復置之也

修媛

唐百官志注曰唐因隋制有修媛按隋志無之而北史后妃傳北齊文宣河清中置修媛為御女唐以為嬪疑唐采齊制也

充儀

隋有充儀為九嬪唐會要內職篇云自武德以來有具職也北史曰煬帝置

充容

漢典有充容則疑漢官也北史曰隋煬帝參詳典故著之於令也

充媛

唐志云唐因隋制有充媛隋書及北史隋后妃事皆無文疑亦唐置之也

婕妤

前漢有婕妤班馬皆見于傳南史后妃傳叙曰婕妤漢舊號蓋漢置官也隋煬帝以為世婦而為正五品通典曰漢武置

婕妤視上卿比列侯

貴人

漢光武置貴人爲三夫人歷代不常有家朝真宗復置貴人也

美人

光武又置美人歷代多有之國初亦置之正四品也通典前漢內命婦有美人

才人

南史曰晉武帝采漢魏之制三夫人外有才人又云晉武所置而通典內命職漢有才人則疑漢置

婦人封

春秋左氏傳成公上晉敗齊師齊侯自徐關入見保者曰勉

之齊師敗矣辟女子女子曰君免乎曰免旣司徒免乎曰免曰苟吾君與吾父免可若何齊侯以爲有禮與之石窀此婦人得封之始也

封夫人

唐虞夏商公侯之妻尚無夫人之號由周克商列爵惟五于其封國皆稱君其妻皆爲夫人其事雜見于詩禮雖皆命于天子亦無封冊之禮漢崔篆母師氏通經學百家之言王莽寵以殊禮賜號義成夫人則夫人之封自王莽始也蓋自魯昭公娶于吳爲同姓夫人始不命于天子至莽乃加封號云

太夫人

前漢文帝紀七年十月令列侯太夫人無得擅徽稱如淳曰列侯子復爲列侯母稱太夫人蓋漢制也晉虞譚母亦拜武

昌侯太夫人晉始加冊命

國夫人

宋鄱陽侯孟懷玉母拜國夫人洎隋高涼洗氏以功封譙國太夫人此夫人封國之始也見通典

郡夫人

通典曰隋高涼女子洗氏世為南越首領有功冊為高涼郡夫人既而冊譙國太夫人此夫人封郡之始也

封君

戰國時列國臣子有功者時皆封君秦孝公封公孫鞅為商君是也蓋未有婦人而封君者漢始有之疑取春秋小君之義爾

郡君

漢武帝尊王太后母臧兒為平原君平原漢郡此封郡君之始也

縣君

武帝又封太后微時金王孫家所生妙號修成君修成漢縣此封君之始也

太君

唐制四品妻為郡君五品為縣君其母邑號皆加太君封稱太此其始也

朝廷注措部第五凡二十七事

尊號

項峻始學篇曰天地立有天皇號曰天靈即帝王尊號之始也堯曰放勳舜曰重華禹曰文命或以謂三帝之號周列國

君

縣君

或有之如楚郊敖杞東樓公莒茲平公是也秦有天下李斯
王綰請上尊號曰泰皇至唐高宗上元二年九月壬辰始稱
天皇中宗神龍元年十月上尊號曰應天皇帝景龍元年八
月丙戌加號應天神龍玄宗開元以後宰相始率百官上尊
號以爲常制嗣朝神宗熙寧中上以虛名無實遂罷之也

稱朕

朕我也古通稱之秦始皇二十六年始獨天子稱朕云史記
曰李斯議天子自稱曰朕也

呼上

司馬遷作史記凡指斥君尊皆依違不正言但稱曰上太史
公自叙書漢武本紀曰今上之類是也今臣下呼天子曰上
由司馬子長始也蔡邕曰上尊號所在不敢媒言尊之意也

御袍

二儀實錄曰唐武德初用隋制天子常服黃袍及衫後漸用
赤黃遂禁止士庶不得服其事自唐神堯始也後又曰赭黃
王建宮詞曰日色赭黃相似謂赤黃也今俗又以天子常服
淺黃爲赭黃也

服御

唐會要曰天寶七年正月二十八日韋韜奏御案床褥望去
紫用赤黃制可然則天子服御之以黃自韋韜之請也

陛下

周以前天子無陛下之呼史記秦李斯議事始呼之耳陛階
也所以陛下天子必有近臣在階側以戒不虞臣與天子言不
敢指斥但呼在陛下者與之言因卑達尊之義則此號秦禮

也漢霍光奏太后亦曰陛下也

聖節

明皇雜錄曰唐玄宗八月五日降誕是日宴宰相于花萼樓源乾曜請以是日為千秋節羣臣獻萬歲壽酒其後天子誕日節號自茲始也唐會要曰開元十七年八月五日源乾曜張說等請以是日為千秋節休假三日至長慶七年十月十日穆宗誕日令天下州府置宴文宗開成二年誕日始禁屠宰此聖節禁屠置宴之始也宋朝俱循用之

改元

史記秦本紀曰惠文王十四年更為元年又六國表云初更元年也檢自歷代人主即位為元年中間無改元之制至秦惠王乃始有之漢興多因秦故故文帝因之亦有中元後元

之改迄今以為常故改元之始由秦惠王也章衡編年通載曰魏惠王五十六年更為元年又曰以相王初改元稱一年太史公書誤分為二王之年數後十年秦始更元年也

年號

始自漢武帝建元元年始顏師古前漢書曰自古帝王未有年

號始起于此而紀年通譜云道書有赤明上皇無極永壽等

揚雄本紀云漢高祖皇帝紀元者始於漢文帝年號莫知自何代也後元景帝中元以二字紀元者始於武帝建元元年以三字紀元者始於梁武帝大中通元以四字紀元者始於漢哀帝太初元將元年今詳立號以紀元當始文景非武帝也

萬歲

考古逮周末有此禮戰國時秦王見蘭相如奉璧田單偽約降燕馮諼焚孟嘗君債券左右及民皆呼萬歲蓋七國時眾所喜慶于君者皆呼萬歲秦漢以來臣下對見于君拜恩慶

始注

靈靈

賀率以為常

山呼

後人以呼萬歲為山呼者其事蓋起于漢武時按前漢武帝本紀曰元封元年正月登嵩高御史乘屬在廟傍吏卒咸聞呼萬歲者三迄今三呼以為式而號山呼也又太始三年二月禮日成山登之罍山稱萬歲

上壽

通典曰禮有獻壽無上壽惟詩大雅云虎拜稽首天子萬壽幽風曰為此春酒以介眉壽非灼然明文要是彷彿其事古者詩工皆歌之故得而言也漢興叔孫通定儀七年長樂宮成諸侯朝賀禮畢置酒殿上尊卑次起上壽其事本起于此史記項羽與漢王飲鴻門項莊入為壽則茲事已見于漢初矣按

淳于髡傳髡對齊威王有侍酒于前奉觴上壽之語及楚莊王置酒優孟前為壽皆戰國時事蓋非自漢始也春秋之間亦無聞焉疑即七雄之禮云

起居

通典曰唐貞觀十三年房喬奏請三日一臨朝二十三年九月十八日太尉無忌奏請視朝坐日高宗報曰朕即大位自今已後每日常坐永徽元年十月五日勅京官五品依舊五日一參二年八月十九日詔此後每五日一度升太極殿視事朔望即為常式蓋今五日起居之始也漢書循吏傳曰漢宣五日一聽事則彷彿起居之事其禮雖見于漢要自唐始行之也

記注

漢武有禁中起居後漢明德馬皇后自撰顯宗起居注蓋周

禮左右史之事耳謂之起居注則自前漢始也唐藝文志亦有獻帝起居注自茲歷代咸有也

時政紀

唐會要曰永徽以後左右史惟得對仗下後謀議皆不聞姚璿請仗下所言軍國政要宰相二人撰錄號時政紀又李吉甫對憲宗問時政紀曰是宰相記天子事以授史官之實錄也古左史記言今起居郎是右史記動今起居舍人是永徽中宰相姚璿慮造膝之言或不下聞因請隨奏對而記是則其事起自唐高宗時姚璿之請也

索扇

唐書明皇時蕭嵩為相以為天子升降俯仰眾人皆得見之非肅穆之容也奏請凡朔望受朝備羽扇于殿上将出所司

承旨索扇扇合上坐坐定去扇禮畢上将退又索扇如初則此制之始自蕭嵩請也今之掌扇即是也

入閣

宋朝會要曰唐敬宗始御紫宸殿群臣展入閣之儀後唐天成初又以月望入閣國朝以舊制皆以月朔閣門先期舉奏詔可即施行康定二年八月宋庠奏唐每坐朝之日即為入閣叔世離亂五朝草創大昕之制正衙立仗遂廢後或有行者人所罕見乃復謂之盛禮開元舊禮無間寶中增附始載月朔入閣之禮又丁度奏入閣是唐隻日紫宸殿受常朝之義云

延英

唐書韓臯曰延英之制肅宗以苗晉卿年老難步故設之耳

後世因以為故事家朝會要曰康定二年八月宋庠奏唐自中葉已還雙日及非時大臣奏事別開延英賜對今假日御崇政延和是也

廊飡

唐會要曰正觀四年詔所司于外廊置食一項五代會要曰唐室升平日常叅官每日朝退賜食謂之廊飡今起居幕中賜酒饌是也蓋自唐太宗始也

內道場

贊寧僧史略曰魏太武始光二年立道場神鹿四年諸州悉立蓋誕日也寧云生日暫建道場法會耳始光中是帝自崇福之始也神鹿中是臣下奉祝之始也即今代所行皆是唐代宗時始誦仁王經蓋自元載王縉始倡之云五代會要曰

周廣順二年七月勅臣寮遇聖節底于寺觀起置道場皆是率曠今後中書門下與百官樞密院與諸司使副馬步軍都指揮使各共設齋故迄今以為故事也

避殿

史記吳王濞傳曰七國反吳王既敗走景帝詔將軍曰楚王邛等重逆無道燒宗廟朕素服避正殿則其事始自漢景帝也孝宣之世亦行其禮秦漢以上未聞事始謂自明帝始非也

損膳

事始云後漢鍾離意諫明帝起北宮䟽曰陛下躬自克責降避正殿損常膳錄記以為二事之始今檢意傳䟽文止言避正殿而無損膳之語又前漢文帝紀已書徹服損膳及賈山

上疏文帝言治亂名至言有陛下即位自勉以厚天下損食
膳不聽樂則事始所記謬矣按周官膳夫掌王之食羞王日一
舉鼎十有二物皆有俎齊日三舉大喪犬荒大札天地有裁
邦有大故皆不舉是則王不舉者損常膳也疑茲禮有周舊
典云尔蓋自周公制禮之始也迄今國有災減日食避正殿
行之為式

輟朝

唐會要曰開元十八年十一月張說薨輟朝罷元會又太和
三年七月崔龜從奏云正觀中任瓌卒有司對仗奏聞太宗
責其乖禮岑文本歿其夕罷警嚴張公瑾亡哭不避辰日臣
謂大臣薨禮合輟朝惟是則太宗以來尚未行茲禮也會要
首錄開元事當是自明皇始也

殿門

沈括筆談曰周禮天官掌舍無宮則供人門今謂之殿門夫
武官極天下長人之選上御前殿則執鉞立于紫宸門下行
幸則為禁圍行于仗門之前今俗謂為鎮殿將軍者也蓋始
于古人門

衡門

又曰宮殿行幸有衡門十人選武力絕倫者為之上御殿則
執樞東西對立殿前亦古虎賁之類也虎賁蓋周制見周官
也

輒函

唐會要曰武后垂拱二年六月置輒函以達下情蓋取白獸樽
之義也今登聞所投此其始也梁天監元年于公車府立謗

木肺石置函欲有橫議投謗木牙函則唐之置匭用此也宋

朝興國九年七月改爲檢而民間猶呼之也

登聞鼓
昔堯置敢諫之鼓即其始也用下達上而施于朝故曰登聞

晉施廣盜官慢合棄市子宗及雲搗登聞鼓

治理政體部第六凡一十八事

進貢

尚書禹貢禹別九州始任土作貢孔安國注謂貢賦之差堯時事則進貢之始在禹平水土之後也

賞賜

又曰車服以庸自唐虞即然商功懋懋賞周有車馬器服之等此賞賜之始也

賜服

呂夷簡三朝寶訓曰建隆三年十月賜近臣冬服有司言累朝故事止賜將相學士諸軍大校太祖曰不賜百官甚無謂也宜並賜之自是文武常參官悉及蓋唐已來品官在職即有衣俸罷即隨住太祖始通給也王沂公筆錄曰公服舊制冬亦單常賜單製太祖訝詰有司以前代之典上特命改製今有夾服自此始也

吏祿

筆談曰天下吏人素無常祿惟以受賕爲生熙寧三年始制天下吏祿而設重法以絕請託

借緋

通典曰開元八年二月勅都督刺史品卑者借緋及魚袋唐

會要曰二月二十日也又曰舊制凡授都督刺史階未及五品並聽着緋佩魚離任則停則借緋之制自唐明皇始也宋

借紫

又通典曰唐武后天授二年八月右羽林大將軍建昌王攸寧借紫衫金帶九月二十六日除納言依舊着紫帶金龜則借紫之制自則天時武攸寧始也

執笏

禮受命于君前以笏三代之制也古者貴賤通用書君上政令後代惟八座尚書執之其餘公卿執手版主敬示非記事官至後周武帝保定四年始令百官執笏

版簿

周禮司民掌登萬民之數自生齒以上皆書于版天宰聽閭里以版圖今州縣有丁口版簿即此蓋始于周也

鬻官

沁革曰鬻爵賣官三代無有起于秦漢之權利通典曰漢文納晁錯言令人入粟六百石爵上造萬二千石爲大庶長漢武元朔元年國用空竭募人入奴婢終身以爲郎即賣官之始也靈帝懸鴻都榜開賣官路今亦有大理寺丞及殿直者告身印

通典曰唐明皇開元二十三年七月吏部尚書李暉奏告身印與曹印文同請加告身兩字即吏部告身之印始自唐李暉也

放房錢

家朝會要曰大中祥符五年正月以雪寒應店宅務賃屋者免餼錢三此雨雪免房錢之始也七年二月詔貧民住官舍者遇冬匪寒食免餼直三日此節日放免之始也

休沐

史記李園事春申君謁歸故失期則假告已見于戰國漢律吏得五日一休沐言休息以洗沐也鄧通洗沐不出張安世休沐嘗出門是也唐會要永徽三年二月十日以天下無虞百司務簡每至旬假許不視事以寬百僚休沐然則休沐始于漢其以旬休則始于唐也

戶帳

又曰武德六年三月令天下戶每歲一造帳籍開元十八年十一月勅諸戶籍三年一造此戶口有帳之初也

戶等

又曰武德六年三月令天下戶量其資產定為三等九年三月二十四日又為九等此戶有等第之始也正元四年正月仍令三年一定為常式家朝因之為五等

次宴

今聖節後大宴曰次宴家朝會要曰建隆元年二月以長春節大宴廣德殿誕聖節大宴自茲始也

春宴

又曰太平興國三年三月大宴大明殿春宴自茲始也乾明節在十月故太宗朝止設春宴咸平三年九月大宴含光殿真宗朝聖節外始備設春秋二宴自此為定制

秋宴

又曰建隆元年八月大宴廣德殿太祖朝長春節二月故止設秋宴此蓋其始也

射宴

又曰景德元年十二月四日命石保吉賜契丹使宴射于玉津園自後凡其使至皆賜宴射此其始也

利源調度部第七凡一十九事

井田

通典曰黃帝始經土設井以塞諍端立步制畝以防不足使八家爲井井間四道此井田之原也其法肇于黃帝成于大禹備于周壞于秦也

水利

泚革曰井田廢溝澮堙水利所以作也本起于魏李悝通典

曰魏文侯使李悝作水利

常平

漢宣帝時數豐稔耿壽昌奏諸邊郡以穀賤時增價糴入貴則減價糶出名曰常平此其始也宋朝會要曰淳化三年六月京畿大穰物價至賤遣使于京城四門置場增價糶令造倉貯之名曰常平歲歉減價以糶用振貧民景德三年正月上封者請諸路皆置

義倉

通典曰隋文帝開皇五年長孫平奏令諸州百姓勸課當社共立義倉唐太宗正觀中戴胄言隨天下之人節級輸粟名爲社倉又韓仲良奏王公已下應墾田者畝納二升貯之州縣以備凶年賑給百姓始爲義倉蓋其事自隋始也宋朝會

要曰建隆四年三月詔諸州所屬縣各置義倉官所收二稅
每石別輸一斗貯之以備凶儉給與人民

倉名

倉所以貯國儲也商有鉅橋漢有成臯教倉及常平隋有黎
陽自古亦無名額通典食貨篇隋文開皇三年華州置廣通
倉則倉有名額此其始也六帖乃云吳倉春申君所造名均
輸武王發鉅橋之粟孔安國以為紂所積之倉也

兩稅

唐食貨志曰自開元已後租庸調法弊代宗時始以畝定稅
至德宗相楊炎遂作兩稅法夏輸無過六月秋無過十一月
是兩稅之始肇于開元天寶兵興之後也按春秋宣公十五
年秋初稅畝公羊傳云稅畝者何履畝而稅也則今之稅以

畝計此其初也其事雖出于唐代宗亦緣春秋稅畝之事尔
其輸以夏秋乃自德宗始也

商稅

孟子曰文王之治岐關市譏而不征又曰市廛而不征則天
下之商皆悅而願藏于其市矣則是夏商二代商無稅矣又
曰古之爲市以其所有易其所無有司者治之尔有賤丈夫
焉必求龍斷而登之以左右望而罔市利故從而征之征商
自此賤丈夫始矣此蓋商賈之初有稅也周官司關曰國有
凶札則無關門之征趙岐曰王制云古者關譏而不征謂文
王以前周禮關門有征謂周公以來通典曰漢武始稅商賈
時征伐四夷國用空竭興利之官自茲始也雖原起于漢亦
自孟子征賤丈夫之事

雜稅

自夏后始為貢法至商而助周人以徹其取于民也有制故國有定賦而無橫斂周衰之末諸侯以強霸相尚兵革不息故費博而什一不足此雜稅之法所由起也漢有名件矣蓋自孝武算舟車也唐建中元年九月趙贊請天下所販竹木茶漆皆什一稅之也

稅草

唐書食貨志曰正觀中始稅草以給諸閑則稅草起自唐太宗也

稅錢

沿革曰晉齊梁時凡貨牛馬田宅有文券者率輸四百入官賣主三買主一蓋始于漢武算緡

權酤

通典曰漢文帝時初權酤沿革曰漢武帝大漢三年始權酒酤也

權茶

起于唐建中正元之間趙贊張滂建議稅其什一一云德宗正元八年張滂奏收茶稅唐會要曰正元九年正月初稅茶先是張滂奏請于出茶州縣及茶山要路定三等每十稅一茶之有稅自此始也一云穆宗時王涯始權茶

權鹽

其始原于唐第五琦及劉晏代其任大曆末一歲征賦所入之鹽當天下大半之賦

鹽鈔

筆談曰陝西顆鹽舊法官自般運置務拘賣兵部負外郎范祥始為鈔法令商人就邊郡入錢至解池請任私賣得錢以實塞下行之既久鹽價時有低昂又于京師置都鹽院也

漕運

沁革曰秦伐匈奴令天下飛芻輓粟此漕運之始也

屯田

事始曰昭帝紀始元二年詔發習戰射士詣朔方調故將吏屯田于張掖謂為屯田之始也按西域傳曰自武帝初通西域置校尉屯田於渠犂又征和中桑洪羊奏言可遣屯田卒益種五穀於張掖酒泉然則屯田蓋起于漢武開西域之時也

職田

孟子曰卿以下必有圭田禮王制曰圭田無征周官亦有大

夫之采地此職田之起也晉有芻蕘之田後魏給公田北齊自一品以下各有差武德元年十二月制外官各給職分田則職田之名唐始有之也舉朝會要曰咸平二年七月真宗欲復與職田詔杜鎬等檢討故事沿革復給之也

官米

宋朝會要曰天禧元年三月以京十四場糶米令每場日加至五百石今諸倉糶米疑起自此

官炭

又曰大中祥符五年十二月六日帝謂王旦曰民間乏炭秤二百文令三司出炭四十萬減價鬻與貧民非惟抑高價且濟人民六年遂置以備濟民

事物紀原集類卷第二

事物紀原集類卷第二

